

## BESTELAKO XEDAPENAK

### HERRI ADMINISTRAZIO ETA JUSTIZIA SAILA

## 2502

*AGINDUA, 2013ko otsailaren 1ekoa, Herri Administrazio eta Justiziako sailburuarena, «Baketik Fundazioa» fundazioaren estatutuen aldaketa onartzeko eta Euskal Autonomia Erkidegoko Fundazioen Erregistroan inskribatzeko dena.*

Aztertuta geratu da Euskal Autonomia Erkidegoko Fundazioen Erregistroan inskribatzeko eskatzen duen espedientea. Hona hemen

### GERTAKARIAK

Lehenengoa.— 2013ko urtarrilaren 18an, Justizia eta Herri Administrazio Sailaren Erregistroan sarrera eman zaio Cristina Soares andreak «Baketik Fundazioa» fundazioaren izenean eta ordezkartzan aurkeztutako eskabideari.

Eskabidearekin batera, Marina Goikoetxea Balentziaga andreak —fundazioaren izenean eta ordezkartzan— 2013ko urtarrilaren 18an egiletsitako eskritura publikoaren kopia eskuetsia aurkeztu da. Oñatiko notario Mercedes Hernáiz Gómez-Dégano andrearen aurrean egiletsi zen eskritura publiko hori (protokolo-zenbakia: 41).

Eskritura publikoari honako agiri hauek erantsi zaizkio:

Fundazioaren idazkari Marina Goikoetxea Balentziaga andreak, 2013ko urtarrilaren 14an, Arantzazun —lehendakariaren oniritziarekin— egindako ziurtagiria, 2013ko urtarrilaren 11n egindako bilkurari dagokiona. Bilkura horretan aho batez onartu zen estatutuen 1., 4., 7., 12. eta 15. artikulua aldatzea.

Eskrituraren zati nagusian, aldatutako artikuluen berridazketa jasotzen da, osorik, bai eta fundazio-estatutuetako testuategina ere.

Bigarrena.— Euskal Autonomia Erkidegoko Fundazioen Erregistroaren Zerbitzu Teknikoek aztertu dute espedientea, eta, ondoren, ebazpen-proposamena eman dute. Hona hemen horretarako kontuan hartu dituzten

### ZUZENBIDEKO OINARRIAK

Lehenengoa.— Herri Administrazio eta Justiziako sailburuari dagokio fundazioaren estatutuen aldaketa inskribatzeko espedientea agindu bidez ebaztea. Hala ezarrita dago: Euskal Autonomia Erkidegoko Fundazioen Legearen 40. artikuluan; Euskal Autonomia Erkidegoko Fundazioen Erregistroaren Erregelamendua onartzen duen ekainaren 19ko 101/2007 Dekretuaren 3. artikuluan; eta, Lehendakariak abenduaren 15ean Euskal Autonomia Erkidegoaren Administrazioko sailak sortu, ezabatu eta aldatzeko eta horien egitekoak eta jardun-arloak finkatzeko eman zuen 20/2012 Dekretuaren 6.1.r) artikuluan.

Bigarrena.— Espediente honi funtsezko iritzitako datu eta agiriak erantsi zaizkio, eta, bereziki, hauek: Euskal Autonomia Erkidegoko Fundazioei buruzko ekainaren 17ko 12/1994 Legearen 31. artikuluan, eta Euskal Autonomia Erkidegoko Fundazioen Erregistroaren Erregelamendua onar-

tzen duen ekainaren 19ko 101/2007 Dekretuaren 44. artikuluan eskatutakoak; aplikagarriak diren lege eta erregelamenduetan ezarritakoarekin bat dator aldaketa.

Hirugarrena.— Euskal Autonomia Erkidegoko Fundazioen Babeslaritzaren Erregelamendua onartzen duen ekainaren 19ko 100/2007 Dekretuko 4.2 artikuluan aurreikusi babeslaritza-funzioetan jardunez, 2013ko urtarrilaren 31n, Administrazio Erregistroen eta Toki Araubidearen zuzendariak emandako Ebazpenaren bidez, Fundazioaren estatutuen aldaketa onartu egin da, betiere dekretu horretako 33.1 artikuluekin bat etorriaz eta, orobat, Euskal Autonomia Erkidegoko Fundazioei buruzko ekainaren 17ko 12/1994 Legeko 31.1 artikuluan xedatutakoarekin.

Ikusirik aipatutako arauak eta aplikatzekoak diren gainerako arauak, honako hau

#### EBAZTEN DUT:

Lehenengoa.— Arantzazu Baketik Fundazioaren estatutuen 1., 4. eta 7. artikuluen (xedea) eta 12. eta 15. artikuluen aldaketa onartzea. Estatutuen aldaketa horren ondorioz, fundazioaren izena, aurrerantzean, Baketik Fundazioa izango da.

Bigarrena.— Fundazioaren estatutuetan egindako aldaketa hori inskribatzeko agintzea, agindu honen datarekin, eta eskritura publikoan ezarritakoarekin bat etorritz. Eskritura hori —bertan, estatutuen aldaketa jasotzen da— Marina Goikoetxea Balentziagak egiletsi zuen —fundazioaren izenean eta ordeztu—, 2013ko urtarrilaren 18an, Oñatiko Mercedes Hernáiz Gómez-Dégano notarioaren aurrean (protokolo-zk.: 41).

Estatutuen 7. artikulua (xedea) aldatzearen ondorioz, hauek dira helburuak, eguneratuta:

«Euskal gizartearen barruan bakea tinkotzeko, adiskidetzeari laguntzeko, gatazka suntsitzailerak prebenitzeko eta bake-kultura sustatzeko tresnak eskaintzea, Elkarriren ondarearekin aurrera jarraituz, fundazioaren esperientzia aintzindaria izan den aldetik.

Nazioarteko jarduera bideratzea munduan ahaztutako gatazkei eta gatazketan ahaztutakoei arreta, laguntza eta aholkularitza eskaintzera.

Norbanakoaren, hezkuntzaren, elkarbizitzaren, antolamenduaren edo gizartearen eraldatze-prozesuak, zerbitzuak eta baliabideak sustatzea, etika abiapuntu hartuta. Gatazkak etika abiapuntu hartuta lantzeko prozesu hauek:

- Bizizikasi pedagogia bultzatzen dute.
- Gizarte- eta garapen-eredu berriak, eta bizitza eta bizikidetzarako modu berriak sortzera bideratzen dute.
- Erantzukidetasunean oinarritutako solidaritatearen eredua bultzatzea helburu duen proposamen orokor baten barruan sartzen dira.

Baketik Fundazioak, bere helburuak ahalik eta ondoren betetzeari begira, honako jarduera hauek egin ditzake, besteak beste:

- Ondasun eta eskubide mota guztiak eskuratzea eta besterentzea, edozein tituluren bidez, eta mota guztietako ekintzak, negozioak eta kontratuak burutzea.
- Mota guztietako akzioak baliatzea, bere estatutuei eta legediari jarraikiz.
- Jarduera nagusiaren menpekoak edo osagarriak diren zeregin guztiak egitea; besteak beste, honako hauek: azterlanak eta ikerketak egitea, hitzaldiak, ikastaroak, mintegiak, konferentziak,

kongresuak edo topaguneak antolatzea, argitalpenak, unitate didaktikoak edo txosten espezifikoak egitea, aholkularitza-zerbitzuak ematea, barruko zein nazioarteko bake-ekimenei laguntzea.

- Fundazioari borondatezko kuota baten bidez lagunduko dioten kolaboratzaileen sare bat sortzea (kuota horren ordainketa aldian behingoa edo zehatza izan daiteke).

- Helburuak betetzeko beharrezkoak diren jarduera ekonomikoak burutzea.

- Eta, oro har, bere helburuak hobeto betetzeko beharrezkoak diren jarduerak burutzea.

Fundazioaren jarduerak Baketik Fundazioak partaidetza duen sozietateen bidez burutu ahal izango dira, hala badagokio».

Hirugarrena.— Agindu hau Euskal Herriko Agintaritzaren Aldizkarian argitaratzea eta fundazioari bidaltzea.

Agindu honek amaiera ematen dio administrazio-bideari, eta, beraren aurka, berraztertze errekurtsoa aurkeztu ahal izango zaio Herri Administrazio eta Justiziako sailburuari, hilabeteko epean, agindua jakinarazi eta biharamunetik aurrera; edo bestela, administrazioarekiko auzi-errekurtsoa aurkez daiteke Euskal Autonomia Erkidegoko Auzitegi Nagusiko Administrazioarekiko Auzietako Salan, bi hilabeteko epean, agindua jakinarazi eta biharamunetik aurrera.

Vitoria-Gasteiz, 2013ko otsailaren 1a.

Herri Administrazioko eta Justiziako sailburua,  
JOSU IÑAKI ERCORECA GERVASIO.